

ՊԱՏՄԱՎԵԴ ԱՐՑԱԽԻ ՃԱԿԱՏԱԳՐԻ ՄԱՍԻՆ*

Սուկրատ Խանյան

Կաստակաշատ գրող ժամնա Հակոբյանի հետաքրքրությունը ժամանակակից հիմնախնդիրների համեմ չէր կարող նրա հայացքը չուղղել դեպի պատմական անցյալը: Նա լավ է հասկանում, որ առանց պատմական լավագույն ավանդույթների յուրացման հնարավոր չի լինի կառուցել օրինակելի ներկա՝ միտված ապագային: Այս այս լուսավոր աշխարհներն արդյունքում ծնունդ առավ և 2007-ին տպագրվեց «Պարաբաղի ճակատագրիդ» պատմավեպը: Երկի նախաբանում Հակոբյանն ընթերցողին է ներկայացնում պատմավեպին անդրադառնալու դրդապատճառները: Սի դեպքում նա գրում է: «Ես, որպես գրող և լրագրող, տարիներ ի վեր մանուկում հանդես եմ եկել հրապարակախոսական այնպիսի հոդվածներով, որ բազմիցս լուսաբանել եմ մեր հայրենիքի ցավերն ու հոգսերը: Ինչ խոսք, հաճախ անդրադարձել եմ դարաբաղյան թեմային: Ուստի բնական էր, որ օրերից մի օր էլ հնարավոր էր ստեղծել հայրենասիրական բնույթի մեջ կտավ» [1]: Մեկ այլ դեպքում նա հետևյալ կերպ է արտահայտվում: «Իմ համոզմամբ, եթե գրողն իր ստեղծագործական կյանքում երրկից չի անդրադառնում իր ժողովրդի պատմության էջերին, ապա նա մնայուն գործ ստեղծել չի կարող» [2]: Մեկ ուրիշ պարագայում գրողը խոստպանում է: «Անկեղծ ասած, ես ցանկացա իմ ուժերը փորձել այդ դժվարին ժանրի մեջ: Այսինքն դա նաև ինքնահաստափելու ներքին ստեղծագործական պահանջ էր» [3]:

Սակայն ինչպես էլ գրողը բացատրեր պատմավեպին անդրադառնալու պատճառները, միևնույն է, նա հաստատ գիտակցում էր, թե ինչ ծանր պատասխանաւորվություն է կրում նման գործի ծերնամուխ լինելիս: Նպատակն ամեն դեպքում մեկն էր՝ ստեղծել հայրենասիրական բնույթի գործ և իր նվիրական պարտքը կատարել ժողովրդի հանդեպ:

Հակոբյանն ունեցել է հարուստ օրինակ՝ հանձին հայ դասական պատմագրության: Նա լավ է իմացել, որ պատմավեպ գրող հեղինակը պետք է խորապես յուրացնի պատմությունը, լինի ոչ միայն պատմաբան, այլև ազգագրագետ, հոգեբան: Նա նոյնպես բարձրածայնում է այդ մասին: «Պատմավեպին անդրադառնալուց առաջ մեծապես գնահատել եմ հայ գրականության մեջ թողած պատմավիպասանների վաստակը՝ սկսած Արտավանց մինչև Դեմիրջան: Թե ինչքանով ինձ կիաջողվի ի մի բերել վեպում մեր անցյալի բոլոր նվաճումները, հայտնի կողանա գիրքն ընթերցողի սեղանին դրվելուց հետո» [4]:

Վեպի պատմական անցքերը վերաբերում են Ղարաբաղի 18-րդ դարի վերջին տասը տարվա անցքերին (1787-1797թթ.), երբ Արցախը կենաց ու մահու կորիվ էր մղում պարսկական ու թուրքական բռնակետությունների դեմ: Հայտնի է, որ հայոց 18-րդ դարը դժվարանցանելի խաչմերուկների բարդույթ էր: Պատահական չէ, որ այն պատկերվել է Շաֆֆու «Ղավիթ Բեկ», Ս. Խանզադյանի «Մսիթար Սպարապետ» պատմավեպերում: Ըստ Էռլյան, Ժ. Հակոբյանը ծգուել է լրացնելու այդ երկերի շարքն այն առումով, որ ավելի կոնկրետ է ներկայացնում Ղարաբաղը՝ Հայոց Արևելից Կողմանք: Որ-

* Հորվածն ընդունվել է 03.03.2015:

Հոդվածը տպագրության է երաշխավորել ՄՍՀ հայոց լեզվի և գրականության ամբիոնը:

ՄԵՐՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

պես հիմնական աղբյուրներ են ծառայել Շաֆֆու, Լեոյի աշխատությունները: Սակայն նրա ծերքի տակ են հայտնվել հիշյալ պատմաբանների կողմից չհայտնաբերված նյութեր: Հակոբյանն օգտվել է Մ.Յու. Ներսեսովի և Հ. Շուշեցու գրվածքներից՝ թարգմանված պարսկերենից: Նա նաև քննության է առել կոնկրետ դարաշրջանին վերաբերող նյութերը՝ օգտվելով գրադարաններից, մատենադարանի կաթողիկոսական մատյաններից, մատենագիտական հարակից ցանկերից (ռուսական, վրացական): Ուստիմնամիջել է և դարաշրջանին հասուկ ազգագրական նյութերը:

Ժ. Հակոբյանի կողմից այս պատմավեպի հրապարակումը այսի դիտվի որպես գրական սիրագրոծություն: Նա ծանրակշիռ մոտեցում է ցուցաբերել պատմական անցքերի ու դեպքերի հանդեպ՝ փորձելով գեղարվեստական երևակայության սահմաններում մշտապես հավատարիմ մնալ պատմական ճշմարտությանը: Գիրքն ընթերցելիս զգացվում է, որ հեղինակը ջանացել է հնարավորինս ընդգրկուն բնույթ հաղորդել Ղարաբաղի 18-րդ դարավերջի պատմությանն առնչվող նյութին: Բանաստեղծ Բոգդան Զանյանը, ընթերցելով ժամանակի գիրքը, գրել է. «Արցախի պատմությանը խորապես իրազեկ էին անվանի գրողներ Հայկ Խաչատրյանը և Բագրատ Ռվուբաբյանը: Ես հորորորում էի նրանց, որ պատմավեպ գրեն Արցախի մասին, բայց նրանք հապաղում էին: Միայն Հայկ Խաչատրյանը պատմավեպ գրեց Կաչագան Բարեպաշտի մասին: Եվ ահա ուրուխությունս կրկնապատկվեց, երբ ծեռքս առա ժամանակ Հակոբյանի «Ղարաբաղի Ճակատագիրը» պատմավեպը: Այն կարդալուց զարմացա, որ նա կարողացել է մանրամասն ուսումնասիրել 18-րդ դարի Արցախի պատմության բախտորոշ, հատկապես դրանատիկ անցքերն ու իրադարձությունները: Հակոբյանը գեղարվեստական մեծ վարպետությամբ է ներկայացնում պատերազմները, հերոսների կյանքը, նրանց սիրագրոծությունները»[5]: Խոկապես, արծակագրին հաջողվել է գեղարվեստական խոր ընդհանրացման հասնել՝ արտացոլելով դարաշրջանի տիպական առանձնահատկություններն ու մարդկային բոլոր հարաբերությունները:

Վեպն սկսվում է ծմեռային խավարի մեջ Շուշիի անառիկ բերդի պատկերով: Գրողը նշում է, որ այն ժամանակին եղել է Արևելյան Հայաստանի ամուր հենակետերից մեկը և 1752 թվականից դարձել էր «այլաժին իշխանության թիկունքը Ղարաբաղում»: Հեղինակը գրում է. «Բերդ-ամրոցը վերածվեց բնակչության ստրկացման գենքի»: Հայտնի է, որ մելիք Շահնազար Երկրորդի ազգակրթան քաղաքականության պատճառով Ղարաբաղը հայտնվեց ջևանշիրցի թուրք քոչվոր ցեղի առաջնորդ Փանախի, իսկ հետո նրա որդու՝ Իբրահիմ խանի ծեռքին: Ստեղծվեց Ղարաբաղի խանություն, որն հզրացավ Իբրահիմ խանի իշխանության տարիներին (1762-1806թթ.): Այսպիսով, համարյա մեկ դար (75 տարի) նրանք իրենց լին տակ էին առել բնիկ դարաբաղցիներին՝ թուրքերով լցնելով մեր լեռնաշխարհը: Խանի դաշնակիցներն էին մելիք Շահնազարը և Խաչենի կառավարիչը՝ մելիք Ալլահվերդին: Մնացած մելիքները դեմ էին խանին և բանակցություններ էին վարում ռուսների հետ՝ ազատվելու թուրքական լժից: Սակայն Իբրահիմ խանը խարեւությամբ իր մոտ կանչեց մելիք Սեջումին, Մելիք Արովին ու մելիք Բախտամին՝ կալանավորելով նրանց Շուշվա բերդում:

Վեպի գլխավոր հերոսներից է Թրաբերողի մելիք Մեջլումը, որ երևում է գրի առաջին էջերից՝ շղթայակապ, Շուշիի բերդում: Գրողը հոգեբանական խորությամբ է տվել նրա ծանր ապրումները: Մեջլումը մտատանջվում էր ընտանիքի, սիրած կնոջ, իր իշխանության տակ ապրող հազարավոր գյուղացիների ու զինվորների համար: Հոգեկան տարապանքներից բացի, նա նաև ֆիզիկապես էր տառապում, քանի որ դաժան կտտանքների էր ենթարկվում թշնամու կողմից: Բերդում մթության մեջ Մեջլումին հանկարծ հայտնվում է հոր ուրվականը, որը խորհուրդ է տալիս որդուն չըմկճվել՝ հիշեց-

ՄԵՐՐՈԴ ՄԱՆԵՍՏՈՅ ՀԱՍԱԼԱՐԱՆԻ ԼՐԱՏՈՒ 2015

նելով նրան, որ ինքը քսան տարի պայքարել է Փանահ խանի դեմ, և որ այժմ որդու հերթն է մարտնչելու: Բավկալանին ցատումով է հնչում հոր պատգամը. «Դու չպիտի թողնես, որ մեր ազգը ստրկացվի: Մեր նախնիները ազատ Ղարաբաղի համար կռիվ են տվել: Մենք նոյնպես գործով պիտի ապացուցենք, որ մենք քաջությամբ ու ազգա-սիրությամբ ոչնչով չենք զիջում նրանց: Գոտեպնդվիր, որդիս, դու մեծ առաքելություն ունես քո ազգի արած»[6]:

Այսուհետու հոր ուրվականն անհետանում է, և որդին միանգամից մոռանում է իր ցավերի մասին: Նա անհայթահարելի ցանկություն է զգում պատժել թշնամիներին: Եվ կեսպիշերին նրա փախուստը կազմակերպում է նրա քաջ գորապետը՝ Թյուկի Արզու-մանը: Նա իր երկու ընկերների՝ Դալի Մահրասայի (Ավագ Վարդապետի) և զարգար Սելքումի հետ մի փոքր ցոկատով հարձակվում է բերդի վրա և ազատում մելիքներին: Հրաշալի է պատկերված նրա հանդիպումն օջախում հարազատների՝ կնոջ և մոր հետ: Վեպի հուզիչ կոտրներից է բերդից ազատվելուց հետո հոր՝ մելիք Հարամի զե-րեզմանին այցելության պահը («Հոր շիրմաքարի արած»): Իր զորավարներին կար-գաղթեց, որ հսկեն գերեզմանի տարածքը, իսկ ինքն իջնելով ծիուց, մոտեցավ հոր շիր-մաքարին՝ ծնկի գալով ասաց. «Հայրիկ, երախտապատ եմ քեզ, որ իմ կյանքի ամե-նածանր պահին գոտեպնդեցիր ինձ քո ողով, իշշեցրիր ինձ մեր նախնիների կանը... Աստծո կամոք կկամենայի միշտ գինված մնալ նժոյգին վրա և անժամանակ տվրս պատյան չղնել: Հավանաբար մի քանի օրից ես էլ կմիանամ վրացիների ու ռուսների գինված ուժերին: Հայրիկ, քո աննկուն ողով զորավիգ եղիր ինձ»:[7] Մինչ այդ մելիք Մեջումն արդեն երկու նամակ էր պատրաստել՝ մեկն ուղղված գեներալ Բուրնաշո-վին, մյուսը՝ Երակլ թագավորին օգնության համար: Բայց և այնպես, կասկածում էր, որ ռուսներն օգնության կիասմեն, քանի որ մի քանի անգամ խոստացել էին սատարել հյայերին, բայց չէին հասել:

Մելիք Մեջումն զարգացած անձնավորություն էր: Նա Մոխրաբաղի իր ամրոցի օթևաններից մեկում մեծ գրադարան ուներ, ուր դարսված էին 5-րդ դարի հայ պատ-միչների, միջնադարյան արանձին բանաստեղծների ժողովածուները, ռազմական ար-վեստի վերաբերյալ գրքերը, որոնք հաճույքով կարդացել էր: Նա, հետևելով հոր օրի-նակին, աշուղ ուներ, որը միայն հայերն էր երգում: Նրան ամենից շատ մտահոգում էր այն դառն փաստը, որ Ղարաբաղում ընդհանուր թշնամու դեմ պայքարի միասնակա-նություն չկար: Առանձին թևերի էին բաժանված մելիքները, երկպառակությամբ էր եկե-ղեցին: Ղարաբաղը երկու կաթողիկոս ուներ: Խորայել կաթողիկոսը նստում էր Երից-մանկունք վանքում: Նա քարոզում էր խենցություն ու հնագանդություն, տարբեր շրջաններում ուներ իր կալվածքները և տարված էր փառքի ու հարստության մոլուց-քով: Մյուսը՝ Հովհաննես Հասան Զալայյանը, Գանձասար վանքում էր: Նա մեծ հայրե-նասեր էր և ցանկանում էր վերականգնել Խամսայի ամրողությունը: Հենց նրա նախա-ձեռնությամբ Ղարաբաղի և Զանգեզուրի մելիքները հաճախ հավաքվում էին, նամակ-ներ հեղեղով Ռուսաստանի արքունիքը: Գանձասարում մելիքները հավատարմության երդում տվեցին՝ համբուրելով խաչն ու Ավետարանը: Նաև գրվեց աղերսագիր, որի տակ ստորագրեցին Հովհաննես կաթողիկոսը, վեց եպիսկոպոս և վեց մելիք: Ղարա-բաղի իբրահիմ խանին լրտեսության մեջ օգնեց Խորայել կաթողիկոսը, որն ուզում էր ծանաչել Աղվանից կաթողիկոսին: Խորայելին էլ օգնեց Հովհաննես կաթողիկոսի հա-րազատ Եղբայրը՝ Ալլահ Դուկի բեկը, որը մասնակցում էր Գանձասարում անցկացվող գաղտնի խորհրդակցություններին: Իրբահիմ խանը դարձալ խորհրդի պատրիվակով իր մոտ հրավիրեց Հովհաննես կաթողիկոսին՝ իր հինգ Եղբայրների հետ և բանտար-կեց նրանց Շուշիի բերդում:

ՄԵԽՐՈԴ ՄԱՆՅՈՒԹ ՀԱՍԱՏԱՐԱՆԻ ԼՐԱՏՈՒ 2015

Պատմավեպում հերոսների կերպարների ստեղծման արժեքավոր գժերից մեկն այն է, որ Հակոբյանը մեծ ուշադրություն է դարձրել նրանց ներքին խռովահույզ վիճակ-ները ներկայացնելուն: <Հոգեկան խոր դրամա է ապրում Հովհաննես կաթողիկոսը բանտում, որը գեղարվեստական պահանջվող մակարդակով է ներկայացրել հեղինակը («Օծանման կղզին»): Նա գիտեր, որ իբրահիմ խանն իրեն կատաժի, սակայն մտահոգված էր ազգի ճակատագրով: Զիրուցի բանվելով իր եղբոր՝ Սարգիս Եախսկոպոսի հետ՝ ասում է. «Առանց քրիստոնեական հավասի չենք կարող ազգի գոյությունը պահպանել: Բայց մեր անմիաբանությունը գրկեց մեզ իշխանությունից ու անկախությունից: Մելիք Շահնազարն ու իր դաշնակիցները մատնեցին մեզ, մեր սուրբ գործն ու իշձերը... Չէ՞ որ մենք ենք մեր հայենին երկրի տերերը: Ամենքիս համար ավելի լավ չէ՞ իինի մարտնչել այդ գոյապայքարում, թեկուցն պարտվել, սակայն երբեք չենթարկվել ապագա սերունդների նզովքին»[8]: Իբրահիմ խանն ի վերջո կաթողիկոսին թունավորում է բանտում: Հակոբյանը, հետևելով պատմական փաստերին, նույն ժամանակի հերոսներին գեղարվեստական կերպարներ է հաղորդել՝ երբեք չշեղվելով իրական ծշմարտությունից: Նա գրողի տեսանկյունն է: <Ենց վեպի պատմականության խորությունն ամենից առաջ պայմանավորում է նրա գեղարվեստական մեծ արժեքը: Վեպում նույնքան համոզիչ է հսրայել կաթողիկոսի՝ որպես դավաճանի կերպարը մի շարք գլուխներում:

Վեպի կենտրոնական կերպարներից է մելիք Ջումշուդը: Նա մելիք Շահնազարի որդին էր, սակայն նման չէր ոչ հորը, ոչ եղբայրներին: Նա Ղարաբաղում մելիքների միասնության կողմնակիցն էր և ամեն կերպ մտածում էր իբրահիմին տապալելու մասին: Մելիք Ջումշուդն անհանգստացել էր, երբ մելիք Մեջլումից իմացավ, որ Բուրնաշովի հրամանով ռուսական զորքերը ետ կանչվեցին, իսկ մելիքները ետ վերադարձան: Փաստորեն ռուսների հետ երեք օր տևած արշավանքը դեպի Ղարաբաղ ձախողվեց: Ետոդարձի ճանապարհին էլ խանի մարդկանց ծերոն ընկավ նրա քրոջ որդին՝ մելիք Ֆրիդրինը, որը մյուս գերիների հետ տարվեց Շուշվա բանտը: Նա մտածեց իր զարմիկին ազատելու մասին և առանց հոր համաձայնությունն ստանալու, գնաց իբրահիմ խանի մոտ և որպես տուգանք մեծ գումար վճարեց՝ Ֆրիդրինին ազատելու համար: Մելիք Ջումշուդը լավ էր հասկանում, թե ինչպես էին իր հարազատ հորը վերաբերվում իրենց մելիքությունում՝ Կարանդայում: Սակայն նա մի օր ժողովորդի վիճակի հետ ծանոթանալու համար մուլրացկանի շորերով շրջեց Շուշիում, և հիասթափությունն ավելի խորացավ («Մելիք Ջումշուդը մուլրացկանի կերպարնառով»): Պարզվեց, որ հայրը նույնքան ատելի է մարդկանց, որքան իբրահիմ խանը: Վեպում չափազանց հետաքրքիր է «Աստված և տալիս է, և տանում» գլուխը, որտեղ ներկայացված է մելիք Շահնազարի և որդու՝ մելիք Ջումշուդի հանդիպումն ու առանձնազրույցը: Նա հորը հանդիմանում է թուրք խանի հետ բարեկամություն անելու համար և ցավ է գործ՝ տեսնելով, թե ինչպես են օրեցօր թուրքերով լցուիմ մանավանդ Կարանդայի շրջանի գոյութերն ու զավարները, ինչպես է խանը բանտարկում հայրենասեր մելիքներին, ինչպես է թունավորել բանտում Հովհաննես կաթողիկոսին: Եվ նրա զայրույթն այնքան է սաստկանում, որ ասում է. «Աւես ապրում ենք խավարի թագավորության մեջ... Ո՞վ պիտի մնամի ժողովրդի մասին, մարդկանց համար գոնե տարրական դպրոցներ բացի: Այնինչ նախկինում Ամարաս վանքին կից դպրոց կար, դու փակել տվեցիր: Ինչո՞ւ... Տգետներին հեշտ է դասավանդել: Մեր գուսաններին ստիպում ենք, որ պարսկերնեն և թուրքերն երգեր երգեն: Հայ մարդկանց անուններն էլ պարսկերնեն կամ թուրքերն ծագում ունեն: Այդ ո՞ր թուրքը կամ պարսիկն է հայի անուն կրում: Ինչո՞ւ պետք է դարաբաղդին լինի այդքան օտարամդ: Իմ անունը Ջումշուդ է, եղբայրներին՝ Ջիանգիր, Ջիանքախչ,

ՄԵԽՐՈԴ ՄԱՆՏՈՅ ՀԱՍԱՍԱՐԱՆԻ ԼՐԱՏՈՒ 2015

Հուսեին: Բայց ո՞վ պետք է կրի մեր հայկական անունները՝ Արա, Արամ, Առաքել, Գարեգին և այլն: Չէ՞ որ մենք քրիստոնյա ժողովուրդ ենք, և մեր լեզուն հայերենն է: Հայրիկ, մի՞թե չես տեսնում, թե ինչ ողորմելի է մեր վիճակը: Եթե չսիրենք մեր լեզուն և կրոնը, թշնամին կոչնչացմի մեզ քայլ առ քայլ»[9]:

Հոր և որդու Երկխոսության լարվածությունը հայ գրականությունից մեզ հիշեցնում է Ռաֆֆու «ՍամՎել»-ում ՍամՎելի և հոր գրուցք: Սակայն եթե այնտեղ հերոսը դավաճանության համար սպանում է հորը, այստեղ Զումշուտդը, սիրելով հորը, նրան միայն նախասուում է, հորդորում, ըմբոստանում, զգաստանալու կոչ հնչեցնում: Մելիք Զումշուտի համար ծնողն ամենաբարձր արժեքն է, որը հավասար է հայրենիքին: Նա ինչպես ցավով է տանում հայրենիքի վիճակը, քանի որ օտար լծի տակ է, այնպես էլ դառնությամբ է ընդունում հոր արարքները. «Սարդը պարտավոր է արժանավայել ապրել, սիրել իր բնորդանը, ժողովողին, լեզուն, եկեղեցին: Չեմ կարող հանգիստ նստել ամրոցում ու տեսնել, թե ինչպես է կորժանակում Ղարաբաղը: Մրտանց ցանկանում են քեզ պիտանի լինել որպես որդի, մեր տանջված ազգին՝ որպես զինվոր»[10], - ասում է նա: Ու հետաքրքիրն այն է, որ մելիք Շահնազարը որդու հետ ունեցած գրուցից հետո հւկապես վերանորոգում է Ամարաս վանքը: Դա ևս պատմական ճշմարտություն է: Մելիք Զումշուտն այն հայրենասեր մարդն էր, որը հետազայում օգնում է ռուսներին՝ որսալ ու տապալել Իրրահիմ խանին: Ցավոք, դա լինում է մի քիչ ուշ, 1806 թվականին:

Հայրենասեր մելիքների կերպարներից է մելիք Գրիգորը, որն իր հայրենասիրությունից բացի առանձնանում է մաքուր ու անկեղծ սիրով Աննայի հանդեպ, որը մելիք Մնացականի դուստրն էր: Ձերմ, գեղեցիկ ու պատկերավոր խոսքերով է նա իր սերը բացատրում ու սիրուր բացում. «Իմացիր, որ ուժեղ սերը միշտ տագնապի ու վախի մեջ է: Ինձ հավանաբար կյանքի հավերժությունն էլ չի հերիքի կարուս քեզանից առնելու համար», - շշնջում է նա Աննային նրանց այգում: Աննան հասկանում է, որ նա պիտի պատերազմին մասնակցի և ոգևորում է նրան. «Հայրս ասաց, որ Աղա Սահամմադ շահը պատրաստվում է հարձակվել Ղարաբաղի վրա: Դու ևս պետք է պաշտպանես մեր հայրենի հողը: Ակնածանքի արժանի չէ այն տղամարդը, որ խուսափում է Կրիզներից: Ընդհակառակը, քո ազգասիրությամբ ավելի ես բարձրանում իմ աչքում», - ասում է Աննան՝ խոստանալով սպասել սիրած տղամարդուն: Գրիգոր մելիքը մասնակցում է պատերազմին, վիրավորվում է ուսից և կրկին հանդիպում սիրելի հակին:

Ժամանա Հակոբյանը, երեխով աստվածանվեր այն զաղափարից, որ առողջ ընտանիքի հիմքն անձնուրաց սերն է, վեպում բավականին տեղ է հատկացրել սիրո նկարագրությամբ: Ընթերցում ես գորի «Թաքում սիրո տվայտանքները», «Պատիժ սիրո դիմաց», «Հավերժությունն էլ ինձ չի հերիքի», «Պատերազմները չնշին են սիրո կողքին», «Աղավնու հայտնության խորհուրդը» գլուխները և համոզվում, որ ժամանան կարողացել է պատկերել սիրո աշխարհը գեղագիտական հունձքի մեջ:

Վեպում դրական կերպարների կողքին կան բացասական հերոսներ: Գրողն այդ պատմական հերոսներին չի հորինել, նրանց միևնույն է արյուն և այնպես է կենդանացրել, որ ընթերցողն ասելությամբ է լցում նման դավաճանների նկատմամբ (մելիք Շահնազար, Ալլահ-դոլի բեկ, Միսայի բեկ, Ուստում բեկ, Ապրես աղա և այլք): Այդ շարքում առանձնանում է մելիք Շահնազարը: Հակոբյանը, թափանցելով նրա հոգեբանության մեջ, բացում է նրա ներաշխարհը, խոհերը, հակասությունները: Նա մեծ աշխատանք է տարել մելիք Շահնազարի շրջապատը բնական դարձնելու համար: Մենք տեսնում ենք նրան ընտանիքում, Իրրահիմ խանի հետ նրա պալատում, տոռնախմբություններին, Պղլը-Պուղու հետ՝ մտերմիկ մթնողորսություն: Այդ բացասական հերոսի կերտման առումով Հակոբյանը հետևել է հայ գրականության մեջ Դ. Դեմիրճյանի թո-

ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2015

ղած ավանդին: Խոսքը Վասակ Սյունեցու կերպարի մասին է: Մելիք Շահնազարը որպես դավաճան նաև ունի իր դրական հատկանիշները, նա նույնական է ու տանում ընտանիքի գավակների մասին՝ հարուստ կտակ թողնելով որդիներին: Սակայն նրա հավատարիմ բարեկամը իբրահիմ խանն էր մառում, և նա դեմ էր հայրենանվեր մելիքների գործերին: Նա չէր էլ ուզում գիտակցել, որ ինքն էլ թշնամու հետ Ղարաբաղը կործանան էր տանում: Ազգային նշանակելի կերպը, ազգային վեհ գաղափարները նրա համար չէին: Շահնազարի կանանցից մեկն էլ իբրահիմի քույրն էր: Նա հայրուրավոր գյուղեր, խոշոր կալվածքներ ու մեծ հարստություն ուներ: Եվ աչքերը փակում էր բռնակալ խանի առջև, երբ վերջինս նորանոր կալվածքներ ու հողեր էր նվաճում՝ իր ճանապարհին ոչնչացնելով հայերին:

Հոգերանական նոյն խորությամբ է ստեղծված իբրահիմ խանի կերպարը: Նա հորից ավելի դաժան է, հայատյաց, խորամանկ, ուժեղ: Վեպում ցնցող է Շուշվա բանտապետի սպանության տեսարանը: Խանի հրամանով նրան նետում են քաղցած այցուժների վանդակն այն բանի համար, որ հայ մելիքներին հաջողվել էր բանտից փախչել: Բավկալանին կենդանի է պատկերված նրա ամրոցը, նիստուկացը, մարդկանց հետ ունեցած նրա վերաբերմունքը: Նրանից ավելի արյունաբրու էր Աղա Մահամադ խանը, որը հաճույք էր ստանում մարդկանց տանջանքների ենթարկելուց ու սպանելուց: Նրա դաժանությունից ընթերցողն ատելությամբ է լցում, մանավանդ կարդալով «Աղա Մահամադ խանի վրեժխնդրությունը» և «Թիֆլիսի ավերումը» գյուխմերը: Բողդան Զանյանը, երկրորդ անգամ անդրադառնալով վեպին, գրել է. «Դասական վեպին համարժեք կերպարներ են ստեղծված պատմավեպում: Խոսք շահի և իբրահիմ խանի արյունալի արարքների մասին է» [11]: Բանաստեղծ, հրապարակախոս Հրաչյա Քեզիարյանը մկանուել է. «Այս գրքի մեծագույն առավելություններից մեկն այն է, որ պատմավեպի դրական և բացասական բոլոր հերոսներն այնպես են կերպարանավորվել, որ շատ տպավորիչ են ու տեսանելի: Հաճախ այնպես է թվում, թե կարդում ես ականատեսի հուշերը: Ինձ համար ուրախալի է ծանոթ շավիղներում նորություններ հայտնաբերելով» [12]:

Վեպում չկա այնպիսի կերպար, որին գրողը մի առժամանակ չմտարերի: Բոլոր հերոսներն էլ նրա աչքի առաջ են՝ գործողությունների մեջ, և նրանց միջև կա ներքին կապ: Յուրաքանչյուրի մտահոգությունն էլ հայրենիքի վիճակն է: <Ավատարիմ մնալով 18-րդ դարի անհանգիստ ու փոթորկալից էությանը՝ Ժ. Հակոբյանն իր հերոսներին ավելի շատ բնութագրում է պատերազմական գործողությունների մեջ: Վեպում պատկերված ռազմի տեսարանները խորապես կրում են ժամանակի ոգին: >Հրաշլի են տրված հայտնի Եկեղեցիների (Գանձասար, Ամարաս, Գոշավանք և այլն) նկարագրությունները և նրանց ստեղծման պատմությունը: Վեպում տեղին նկարագրվում են ժողովրդական կենցաղն ու սովորությունները, որոնք նպաստում են համոզիչ և արինքողող կոլորիտի ստեղծմանը, կոլորիտ, որը ներառում է հարսանիքների, կրոնական տոնների, ժողովրդի նիստուկացի, ճաշակի, բնության հանդեպ ունեցած վերաբերմունքի երանգներ: Եական է նաև ղարաբաղյան բարբառի, ժողովրդական ասացվածքների, հմասության արտահայտությունների ճաշակով ու տեղին գործածությունը խոսքի մեջ: Իսկ ղարաբաղյան բարբառն օգտագործում է միայն Պղլը-Պուղին, որի կերպարը զարգանում է վեպի սկզբից մինչև վերջ: Վիպասանը չի ցանկացել գիրքը ծանրաբերնել ղարաբաղյան բարբառով:

Վեպում մելիքների, խանների, հոգևոր առաջնորդների կողքին պատկերված են ժողովրդի մարդկանց կերպարները: Այդ կերպարներից է Լուսաբերը: Նա երկու զավակ ուներ. 14-ամյա դուստրը՝ Վարդիկը, գտնվում էր իբրահիմ խանի հարեմում, իսկ որ-

ՄԵՐՐՈԴ ՄԱՆՏՈՎ ՀԱՍԱՍԱՐԱՆԻ ԼՐԱՏՈՒ 2015

դին՝ Առաքելը, քրոջ պատճառով բանտում էր: Ամուսինը՝ Մակիչը, վշտից կորցրել էր խոսելու ունակությունը: Նա պայտար էր, երեմն էլ որս էր անում, որսի միսը վաճառում: Ապրում էր Քարին տակ գյուղում: Գրողն այնպիսի հմտությամբ է նկարագրում գյուղացու կենցաղը, տաճ պատկերը, որ մտովի տեղափոխվում են 18-րդ դար: Երեսուն տարեկան էր Լուսաբերը: Ամուսնացել էր տասներեք տարեկանում: Հին ավանդույթի համաձայն՝ իր և Մակիչի ծնողներն ին որոշել իրենց ամուսնացնել: Վեպում խոր հոգեբանությամբ են պատկերված կնոջ ժանր ապրումները: Գրողը ցավով փաստում է, որ երբ Կեսրայրը կենդանի էր, իրեն թույլ չէր տալիս բաց երեսով երևալ: Նրա ներկայությամբ աշխատում էին անաղոնված քայլեր: Նրա հետ մինչև մահ չխոսեց, որովհետև իրավունք չուներ: Եթե հարկ էր լինում տնեցիներից որևէ մեկին մի բան ասել, Լուսաբերն իր ասելիքը փոխանցում էր երեխաների միջոցով: Ակեսուրի հետ էլ չխոսեց մինչև երեխա ունենալը: Նա մյուս կանանց պես դատապարտված էր լրության ու համբերության:

Կանանց կերպարներից ուշագրավ է տասնվեցամյա Խաթունի կերպարը, որը վաղուց էր զրկվել ծնողներից և ապրում էր մենակ: Նրան իինգ տարեկանից ծնողները նշանել էին համագուլացիներից մեկի՝ Պողոսի հետ, որը երեք տարի առաջ հոր հետ հեռացել էր Ղարաբաղից՝ հաց վաստակելու: Գյուղացիները մեկնում էին Շամշադին, Շամիսոր, Ղազախ, Շամախի: Խաթունի քույրերն ու եղբայրներն էլ ամուսնացած էին: Նա տանը գորգ, ծիրու չուզ, կարպես էր գործում: Փոխադարձ սիրով աղջիկը կապվում է գյուղապետի տղայի՝ Խահակի հետ, որն ամուսնացած էր: Նրանք թաքուն հանդիպում էին, և գյուղում ոչ ոք նրանց սիրո մասին ոչինչ չգիտեր: Խահակը նրան տեսել էր, երբ եկել էր գորգ պատվիրելու: Գրողը նրանց սիրո պատկերմանմբ ցույց է տվել այն ժամանակ գոյություն ունեցող դաժան սովորությունները, վերաբերմունքը սրտանց սիրահարվողի հանդեպ: Եվ նրանց կապը դաշը հետևանքներ է ունենում: Ծնկում է նրանց սիրո պսուղը՝ երեխան: Այդ մասին արդեն իմանում են գյուղում: Եվ զավառապետը որոշում է Խաթունին պատժել: Նրան նստեցնում են էջի վրա, երեսը թրիք քսում ու պստեցնում գյուղամիջում: Բավական հետաքրքիր է այն տեսարանը, երբ այդ դեպքից առաջ Խաթունը սիրած տղամարդուն պատժելու համար (որ չի ամուսնալութվում, իրեն օրինական կին չի դարձնում) վիճում է նրան հենց իր նկուղում:

Այսպիսով՝ պատմավեպում հեղինակը հաջողությամբ ներկայացրել է սիրո երկու պատմություն: Մեկը մելիք Գրիգորի և Աննայի սիրային կապն է, մյուսը՝ Խաթունի և Խահակի:

«Ղարաբաղի ճակատագիրը» վեպում գրողը մեծ տեղ է տվել մելիքների, գորավարների կերպարներին (Թյուլի Արզուման, Ղալի Սահրասա (Ավագ Վարդապետ) և զարգար Մելքոն, Արրահամ և այլք): Նրանց մեջ առանձնանում է Թյուլի Արզումանի կերպարը, որը մելիք Մեջլումի գործի գիխավոր հրամանատարն էր: Թյուլի մականունը տվել էին թշնամիները, որը թարգմանաբար նշանակում էր՝ ավագակ: Նա Մեջլումի հոր՝ մելիք Հաթամի հոր՝ մելիք Խարայելի հովովի որդին էր: Սանկության տարիներին ոչխարներ էր արածեցնում, իսկ հետո դարձավ մելիք Հաթամի քաջ գորավարներից մեկը: Այդ անգամ նրան հանձնարարվեց Սարգսի Եախսկոպոսին իր եղբայրների հետ առանձին ճանապարհով ուղեկցել Գանձակ: Նրա խմբում քանի գինվոր էին, այդ թվում և՝ որդին: Սպասարկում էր թշնամու հետ ուժեղ բախում: Իսկ երբ որդին անհանգիստ հարցնում է հորը, թե ինչպես պիտի դուրս գան ծուղակից, Արզումանը պատասխանում է: «Ինացի՞ր, որդին, ամենակարևորը՝ երբեք խուժավիշ չմատնել: Տեսն՞ո՞ւ ես, ծախ ծեռքիս մատներ չկան: Դաս համար երկարէ ծեռնոց եմ հագնում: Սակայն մի ծեռքն էլ իմ հերիք է կռվելու համար: Հայ գինվորն ընդունակ է անհավասար պայման-

ՄԵՐՈՂ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2015

ներում բերդեր գրավել»[13]: Բարեբախտաբար, թեժ մարտում Արզումանի ջոկասից միայն վիրավորներ եղան:

Ինչպես տեսնում ենք, վեպի սկզբից մինչև վերջ շոշափիվում է «հայրեր և որդիներ» հարաբերությունը, որի հիմքում ընկած են ավանդաբար փոխանցվող ազգապահպան պատգամները (մելիք Հաթամ-Մեջլում-որդի Հաթամ, Հովսեփ մելիք-Արով մելիք Ռոստամ-մելիք Բախտամ-մելիք Արբաս, գորավար Թյովի Արզուման-Արքահամ և այլք):

Ժ.Հակոբյանը պատմության գնահատմանը մոտեցել է Խորենացու պատմագեղագիտական մեթոդով, իրադարձությունները գնահատել քննական մոտեցումով՝ ուշադրությամ կենտրոնում պահելով «հայրեր և որդիներ» հարաբերությունները: Գրողը ճշմարտացիորեն ցուցադրել է հայրենասիրության այն ոգին, որ փոխանցվել է հայրերից որդիներին, այստեղից էլ՝ օչախասիրության արցախյան ֆենոմենը:

Ժ.Հակոբյանի «Ղարաբաղի ճակատագիրը» երկը արդիական լուրջ հնչողություն ունի, որը կարելի է համարել նկատելի ներդրում հայ պատմավիպագրության հարուստ գանձարանում:

ԾԱՆՈԹԱԳՐՈՒԹՅՈՒՆՆԵՐ

1. Հակոբյան Ժ., «Ղարաբաղի ճակատագիրը», Եր., 2007, էջ 3
2. «Փակագիծ», 3 հունիսի, 2007թ.
3. «Ազատ Արցախ», 31 հուլիսի, 2010թ.
4. «Մշակույթ», թիվ 1, 2007թ., էջ 16:
5. «Հայրենի եզերք», հոկտեմբեր, 2007:
6. Հակոբյան Ժ., «Ղարաբաղի ճակատագիրը», էջ 34:
7. Նույն տեղում, էջ 67:
8. Նույն տեղում, էջ 46:
9. Նույն տեղում, էջ 109:
10. Նույն տեղում, էջ 115:
11. «Հայրենի եզերք», հոկտեմբեր, 2007:
12. Բեգլարյան Հ., «Արցախ-Նամե», 2012, հ. 9, էջ 357:
13. Նույն տեղում, էջ 165:

ԱՄՓՈՓԱԳԻՐ

**Պատմավեպ Արցախի ճակատագրի մասին
Սոկրատ Խանյան**

Սույն հոդվածում քննարկվում ու գնահատվում է տաղանդավոր բանաստեղծ և արձակագիր ժանանա Հակոբյանի «Ղարաբաղի ճակատագիրը» պատմավեպը: Նշվում է, որ Չափֆու «Ղավիթ Բեկ» և Խանզայյանի «Մխիթար Սպարապետ» վեպերի շարքում Ժ.Հակոբյանի երկն աչքի է ընկնում նրանով, որ նա գեղարվեստական պահանջվող մակարդակով պատկերել է 18-րդ դարի վերջի երկու տասնամյակների պատմական իրադարձությունները: Գրողն ստեղծել է դրական և բացասական կերպարների մի պատկերաբան՝ հաստատելով այն գաղափարը, որ թուրք հրոսակների դեմ մղվող պայքարում հայ ժողովրդի փրկությունը նրա հավաքական ուժի մեջ է:

Բանալի բառեր՝ պատմավեպ, մելիքներ, Արցախի պատմությունը, բանաստեղծ, հայրենասիրական, թշնամի, հայ ժողովուրդ:

РЕЗЮМЕ
Исторический роман о судьбе Арцаха
Сократ Ханян

В данной статье исследуется и оценивается исторический роман “Судьба Карабаха” талантливого поэта и прозаика Жанны Акопян. Подчеркивается, что, наряду с произведениями “Давид Бек” Раффи, “Мхитар Спарапет” Ханзадяна, работа Ж.Акопян выделяется тем, что должным образом отражает события последних десятилетий XVIII века. Автор создал систему положительных и отрицательных образов, подтверждая идею о том, что в борьбе против турецких нападок армянских народ находит спасение, только будучи единым.

Ключевые слова: исторический роман, мелики, история Арцаха, поэт, патриотический, враг, армянский народ.

SUMMARY
Historical novel on the fate of Artsakh
Socrat Khanyan

This article explores and evaluates the historical novel -"The fate of Karabakh" – by the talented poet and writer - Zhanna Hakobyan. It is emphasized that, along with such works as "David Beck" by Raffi "Mkhitar Sparapet" by Khanzadian the work Zh.Akopyan is distinguished by the adequate representation of the events of the two last decades of the XVIII century. The author created a system of positive and negative images, confirming the idea that the in struggle against the Turkish attacks the Armenians win only being unified.

Keywords: historical novel; meliks, the history of Artsakh, poet, patriotic, foes, the Armenian nation.